

საინტერესო ორთაბრძოლაში

თბილისი. ვ. ი. ლენინის სახელობის “დინამოს” სტადიონი. 10 ოქტომბერი.

“დინამო” (თბილისი) – “არარატი” (ერევანი) 1:0 (0:0).

“დინამო”: გაბელია, გ. მაჩაიძე, ჩივაძე, ხინჩაგაშვილი, ჭილაია, დარასელია, მ. მაჩაიძე, კაკილაშვილი, გუცაევი (კოპალეიშვილი), ყიფიანი, ჩელევაძე.

“არარატი”: ვასილიევი, პეტროსიანი, სააკიანი, აშ. ხაჩატრიანი, მოვსესიანი, პოლოსიანი, ბონდარენკო, ოგანესიანი, ყასაბოლლიანი (მელიქიანი), ან. ხაჩატრიანი, გალუსტიანი (ზაქარიანი).

მსაჯი: ა. მუშკოვეცი (მოსკოვი).

გოლი: მ. მაჩაიძე (მე-60 წ.).

ერევნელ და თბილისელ ფეხბურთელთა ყოველი შეხვედრა ტრადიციულად დაძაბულად მიმდინარეობს. გამონაკლისი არც გუშინდელი მატჩი იყო. ამ გარემოებაში, რომ ფრე არც ერთ გუნდს არ აძლევდა ხელს, მეტი სიმწვავე შემატა თამაშს. მხოლოდ მოგებაზე ფიქრობდა “არარატი”, 2 ქულა კი უფრო მეტად თბილისელებს ესაჭიროებოდათ – სსრ კავშირის ჩემპიონატი ფინიშის სწორზე გადის და კაცი ვერ იტყვის როგორი თანმიმდევრობით განლაგდება ოთხი ლიდერი.

მატჩი “დინამოს” იერიშებით დაიწყო. უკვე მე-7 წუთზე თბილისელებს დანინაურების რეალური შესაძლებლობა მიეცათ – ყიფიანი მოულოდნელად გაეცა რამდენიმე მეტოქეს (ერთი მათგანი, პოლოსიანი დავითს მთელი მატჩის განმავლობაში გვერდიდან არ მოსცილებია) და შესანიშნავად გადაანოდა ბურთი გუცაევს. ამ უკანასკნელის დარტყმული ბურთი ძელმა აისხლიტა.

თბილისელები განაგრძობენ იერიშს. “არარატი” მეტნილად საკუთარი კარის უსაფრთხოებაზე ფიქრობს. აქა-იქ კონტრშეტევაზეც გადადის, მაგრამ ეს იერიშები იმდენად იშვიათი და იმდენად გაუბედავია, რომ ტაიმის მანძილზე გაბელია ფაქტიურად “უმეშვერად” დგას. ერევნელებმა წინ მხოლოდ ხაჩატრიანი (№10) დატოვეს. მას დროდადრო თუ უბამენ მხარს ოგანესიანი და ყასაბოლლიანი.

26-ე და 32-ე წუთებზე სტუმართა მეკარე ვასილიევის მთელი ოსტატობის მოხმობა დასჭირდა, რათა ჩელევაძისა და მანუჩარ მაჩაიძის დარტყმული ბურთები მოეგერიებინა...

მეორე ტაიმი დინამოელთა შტურმით დაიწყო. 15 წუთის განმავლობაში, იქამდე, სანამ გოლი გავიდოდა ერევნელთა კარში, ბურთი “არარატის” საჯარიმოს არ მოსცილებია. 52-ე წუთზე ისევ კარგად თამაშობს ვასილიევი, ხუთი წუთის შემდეგ კი ჩელევაძის დარტყმის შემდეგ, ერთ-ერთ ერევნელ მცველს მოუხდა მეკარის მაგივრად ბურთის მოგერიება. პენალტი. ჩივაძე.

საპასუხისმგებლო ორთაბრძოლაში მეკარე გამოვიდა გამარჯვებული. იერიში გრძელდება. “არარატს” აშკარად უჭირს “დინამოს” ნახევარმცველთა და ფორვარდთა შეკავება. არც თუ იშვიათია ჯარიმები. სწორედ ერთ-ერთი მათგანი მე-60 წუთზე თბილისელთა კაპიტნის ძლიერი დარტყმით და გოლით დამთავრდა – 1:0.

შემდეგ “დინამოს” კიდევ არაერთხელ ჰქონდა ანგარიშის გაზრდის შესაძლებლობა, მაგრამ ან თავგანწირული თამაშობდნენ სტუმართა მცველები, ანდა მოწოდების სიმაღლეზე იყო ვასილიევი. “არარატმა” ისევე როგორც პირველ ტაიმში,

ბევრი ვერაფერი ხიფათი შეუქმნა მასპინძელთა კარს. ყველაზე მწვავე ალბათ მაინც მატჩის მიწურულს განხორციელებული კონტრშეტევა იყო. ახლო მანძილიდან დარტყმული ბურთი კარს ასცდა.

თბილისელებმა მეტად საჭირო 2 ქულა ჩაინერეს აქტივში.

ბ. ირემაძე.

“ლელო”, 11 ოქტომბერი, 1979 წ.